


[www.BibleForChildren.org](http://www.BibleForChildren.org)



1 Mose 6



Tala nsamu wu kikhulu ki kanda di  
Nowa. Nowa wuba mutu  
wulunungu ayi wusonga va  
khati batu baba mu thangu  
andi. Nowa wudiata mu kithuadi  
ayi Nzambi. Nzambi wutala

ntoto ayi wumona ti


wuwo

wuba wubiva, bila  
nsuni mimio miba


khadulu yimbi va  
ntoto.




Buna Nzambi wukamba Nowa: «Mbeki lukanu mu fukisa batu babo va ntuala ami, bila ntoto wufulukidi mu khemi mu diambu diawu ndieka kubafukisa va ntoto.»



«Wukivangila masuwa ma mabaya  
mangolo, mu mawu, tula bivinga ayi vaba  
mawu bitima mu khati ayi ku nganda.»




Tala phila  
mafueti bela:  
Maba khama mosi  
ayi makumi matanu ma  
metele mu kula, makumi  
mole tanu ma metele mu  
siadila ayi kumi tanu zi  
metele mu kunzama.




Buabu ngeyo, bonga mu  
bibio bindiwungu, tula bio  
va widi muingi biba khuta  
kudi ngeyo ayi kudi bawu.




Mawukotisa phe mu masuwa bulu biole biole, mbakala  
ayi kheto, mi ntindu mimio mi bibio bimvumukanga  
muingi bivuka va kimosi ayi ngeyo.




Wukibongila mu bibulu bibio bivedila  
tsambudi di bibulu biole biole,  
mbakala ayi kheto. Vayi mu  
bibulu bilembolo vedila,  
bonga bibiole, kimbakala  
ayi kikheto.






Nowa wukota mu  
masuwa, niandi veka ayi  
bana bandi babakala, nketo  
andi ayi bazitu bandi mu tina  
khuka nlangu.





Mu mvu khama  
sambanu zi Nowa, mu  
ngonda yinzole mu lumbu  
kikumi tsambudi mu ngonda,  
kiawu lumbu zi tho zizio zi phinda  
minlangu zizibuka, zi nela zi zulu phe  
zizibuka.





Mvula yinoka va ntoto mu makumi  
maya ma bilumbu ayi makumi maya ma  
builu.




Nlangu wuwala mu ngolo zizio,  
wukuma ngolo va ntoto, ayi  
masuwa malalama va mbata  
minlangu.




Nlangu wuluta kuma mu ngolo zizio va ntoto. Miongo mimio minda ku tsi zulu mimana diama. Bibio bimumunanga ayi biba va ntoto wuyuma, bifua.




Buna Nzambi wubambukila Nowa moyo  
ayi bulu bibio biyodama ayi bi nsitu biba  
yandi mu masuwa. Nzambi wuvemuna  
phemo va ntoto ayi nlangu wutona  
dekuka.





Makumi maya mabilumbu  
bu mavioka, Nowa wuzibula  
nela yi masuwa ma  
kavanga. Buna wudumuna  
dibembi mu tala kani nlangu  
wumeni dekuka va mbata  
ntoto.




Mu ngondi yinzole, mu lumbu ki makumi mole  
tsambudi, ntoto wuyuma. Buna Nzambi wukamba  
Nowa: «Totuka mu masuwa, ngeyo, nketo  
aku, bana baku babakala ayi  
bazitu baku.»



Nowa wutungila Yave  
ziku. Wubonga  
ndambu ndambu mu  
bibulu bivedila ayi mu  
zinuni zivedila mu vika  
minkayilu va ziku.





Nzambi wubuela  
kamba: «Tala,  
thudidi dimbu ki  
nguizani va khati ka  
minu ayi beno ayi bibio  
bidi moyo, thangu zizio  
nate mbandu zi nkuiza. Thudidi

mbumba nanga mu  
matuti, dimbu ki nguizani  
kudi minu ayi kudi ntoto.  
Mayiba dimbu  
kimbambulanga moyo mu  
nguizani yimphengi va  
khati minu ayi ntoto.»






Mikutikisa  
matuti ma mvula va  
ntoto ayi mbumba  
nanga yimonikini mu  
matuti,  
Mandibambukilanga moyo  
mu nguizani yami yindivanga


ayi beno ayi ntindu  
mimio mi bibulu, kulendi  
buela ba khuka nlangu  
ko yilenda bunga batu.




Nzambi wusakumuna  
Nowa ayi bana bandi bababakala  
ayi wubakamba: «Butaneno,  
niekeno ayi wesanu ntoto wuwo.»




Bana ba babakala ba  
Nowa batotuka mu masuwa bawu  
baba: Semi, Hami ayi Yafeti. Hami  
niandi wuba disa di Kanani. Tona  
mu bana batatu baba ba Nowa,  
ntoto wuwala mu batu.





3



60



# 1 Mose 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Yombe OT (yom) ©2024 Seed Company in coordination  
with Forum Communautaire des Traducteurs de la Bible et  
Alphabétisation

<https://www.bible.com/en-GB/bible/3928/GEN.1.YOM-CD>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

